

Iðnaðar og tækjadeild, skýrsla á aðalfundi 2023

Ágætu félagar!

Loksins getum við setið saman á ný á þessum aðalfundi í stað þess að hittast rafrænt á Teams eins og við höfum þurft að gera á síðastliðin tvö ár.

Að venju verður farið yfir það helsta sem gerst hefur á liðnu starfsári. Haldnir hafa verið þrjár stjórnarfundir frá síðasta aðalfundi deildarinnar, sem haldinn var rafrænt 3. febrúar 2022.

Ýmis mál hafa verið rædd á fundunum, m.a. starfið innan deildarinnar, samningamál, starf félagsins, stöðuna á vinnumarkaði, trúnaðarráð félagsins og margt fleira.

Í október ákváðu stærstu landssambönd launafólks á vinnumarkaði, Landssamband íslenskra verzlunarmanna og Starfsgreinasamband Íslands, að taka höndum saman í viðræðum við Samtök atvinnulífsins um nýjan kjarasamning. Samstarfið náði til hátt í 90 þúsund einstaklinga sem starfa á almennum vinnumarkaði innan tuttugu stéttarféлага. Fyrsti fundur við SA fór fram í lok október. Um miðjan nóvember var viðræðunum vísað til Ríkissáttasemjara og eftir nokkra snúninga enduðu þær með því að skrifað var undir nýjan kjarasamning þann 3. desember.

Þetta er skammtímasamningur sem tók gildi frá 1. nóvember 2022 og gildir til 31. janúar 2024. Þess má geta að þetta er í fyrsta sinn sem kjarasamningur á almennum vinnumarkaði gildir frá sama tíma og sá eldri rennur út og í því eru fólgin mikil verðmæti fyrir launafólk.

Félagið hélt fimm kynningarfundir á svæðinu um nýja samninginn sem fór svo í rafræna atkvæðagreiðslu á Mínum síðum félagsins þar sem hann var samþykktur með tæplega 84% atkvæða þeirra sem tóku þátt.

Þann 1. nóvember sl. hækkuðu kauptaxtar á almenna markaðinum því að lágmarki um 35.000 kr. Að auki fól samningurinn í sér lagfæringu á launatöflunni, sem gerir það að verkum að hækkun gat orðið allt að 52.000 kr. á mánuði. Laun þeirra sem ekki taka laun eftir kaupþöxtum, þ.e. eru á mánaðarlaunum, hækkuðu um 33.000 kr. frá sama tíma. Kjaratengdir liðir samningsins hækkuðu um 5% frá 1. nóvember og þá hækkuðu bónusar og akkorð í fiskvinnslu um 8% sem skilar fiskvinnslufólki á bilinu 6.000 - 34.000 kr. hækkun á mánuði.

Einnig náðist samkomulag um flýtingu hagvaxtarauka sem þýðir að hagvaxtaraukinn sem átti að koma til greiðslu 1. maí 2023 var flýtt og var hann að fullu efndur með hækkun 1. nóvember. Það skilaði ávinningi sem nemur 78.000 kr. eða tæpum 6.000 kr. á mánuði á samningstímanum. Jafnframt var gert samkomulag um að með þessari aðgerð komi ekki til frekara endurmats á hagvaxtarauka skv. kjarasamningnum frá 2019.

Ég vil biðja ykkur um að yfirfarið launaseðlana ykkar vandlega og bregðist við ef þið verðið vör við að umræddar launahækkanir hafi ekki skilað sér.

Ég minntist á Mínar síður félagsins áðan og því er best að segja aðeins meira frá þeim. Þær voru teknar í notkun í lok síðasta árs en nú geta félagsmenn skráð sig inn og séð ýmsar upplýsingar um sig sem félagið hefur, séð punktastöðu sína, skoðað og sótt um

orlofshús og séð greiðslur frá félaginu. Þar inni er einnig hægt að skoða og sækja rafrænt um þá styrki sem í boði eru í sjúkrasjóði og í fræðslusjóði.

Þá er hægt þarna inni að taka þátt í ýmsum könnunum eða atkvæðagreiðslum sem félagið mun standa fyrir og eins og ég nefndi áðan skoðað og breytt sínum upplýsingum, eins og bankaupplýsingum, síma eða netfangi. Það er mjög mikilvægt að þessar upplýsingar séu rétt skráðar í kerfi félagsins því við viljum geta sent mikilvægar upplýsingar til okkar félagsmanna. Því hvetjum við alla félagsmenn til að skrá sig inn til að prófa síðuna. Ef þið lendið í vandræðum með innskráninguna þá er starfsfólk félagsins boðið og búið að aðstoða ykkur.

Árlegur fræðsludagur Einingar-Iðju fyrir trúnaðarmenn, starfsmenn og aðra sem eru í trúnaðarstörfum fyrir félagið hefur fallið niður síðustu tvö ár. Stefnt er á að halda þennan dag mánudaginn 8. maí nk. í HOFI á Akureyri. Hann verður auglýstur er nær dregur.

Aðalstjórn félagsins ákvað að framkvæma aftur sambærilega kjara- og viðhorfskönnun eins og framkvæmd hefur verið ár hvert frá árinu 2011. Óhætt er að segja að mikil ánægja er með þjónustu félagsins og félagið sjálft. Niðurstöðu könnunarinnar má finna á heimasíðu félagsins.

Vert er að minna á að félagið er með samstarfssamning við SÍMEY sem er með það markmið að skapa enn fleiri möguleika fyrir félagsmenn Einingar-Iðju til að sækja sér fræðslu og auka við starfstengda hæfni sína. SÍMEY mun kappkosta við að endurspegla þarfir okkar félagsmanna varðandi símenntun.

SÍMEY býður upp á fjöldamörg námskeið sem eru bæði starfstengd og tengd áhugamálum hvers og eins og geta áhugasamir kíkt á heimasíðu SÍMEY til að sjá hvað er í boði. Félagsmenn geta skráð sig á nokkur vefnámskeið og nokkur styttri námskeið sér að kostnaðarlausu.

Vegna áhrifa frá Covid 19 settu fræðslusjóðirnir Landsmennt, Ríkismennt og Sveitamennt af stað átak í fræðslu í mars 2020. Hluti átaksins fólst í því að endurgreiðsluhlutfall styrkja hækkaði tímabundið úr 75% í 90% hjá bæði fyrirtækjum og til einstaklinga. Nú er átakanu lokið og stjórnir sjóðanna ákváðu að endurgreiðsluhlutfallið færi í 80% frá og með 1. janúar sl. gagnvart því námi sem hefst eftir þann tíma.

Ég vil minna á að félagsmenn geta hvenær sem er haft samband við ráðgjafana í SÍMEY og fengið hjá þeim ókeypis ráðgjöf. Ef einhverjir eru með hugmyndir að námskeiðum sem þeir hafa áhuga á, er um að gera að koma því á framfæri við Önnu varaformann félagsins.

Í boði verða tvær innanlandsferðir hjá félaginu í ár og er skráning hafin í þær báðar. Kíkið á heimasíðu félagsins og kannið hvert og hvenær þessar ferðir verða.

Orlofsblaðið kemur út um miðjan mars og mikið úrval sumarhúsa verður í boði. Áfram verður boðið upp á Orlof að eigin vali. Styrkurinn í ár verður 26.000 kr. og verða í boði 300 styrkir eins og áður. Sækja þarf um orlofshúsin og styrkinn í gegnum orlofshúsavef félagsins í síðasta lagi 21. apríl.

Ef einhver þarf á aðstoð að halda við að sækja um orlofshús eða Orlof að eigin vali þá er hægt að mæta á skrifstofurnar og fá aðstoð við það að sækja um.

Áfram verður hægt að kaupa niðurgreidda rafræna ferðaávisun á orlofsvef félagsins sem gildir á fjölmörg hótél og gistiheimili um allt land. Með því að skrá sig inn á orlofsvefinn má sjá hvaða gististaðir eru í boði og þar þarf að kaupa ávisunina sem er rafræn. Áfram verður hægt að nota ferðaávisunina upp í gönguferðir, en samið var við Ferðafélag Íslands, Útivist og Fjallafjör um að taka við Ferðaávisun stéttarfélagana. Félagsmenn njóta sérkjara á völdum ferðum en einnig má nota Ferðaávisun upp í hvaða ferð sem er á vegum þessara fyrirtækja.

Á orlofsvefnum verður auðvitað áfram hægt að hægt að kaupa niðurgreidd útilegu- og/eða veiðikort. Á vefnum er einnig hægt að kaupa niðurgreidd gjafabréf hjá Niceair. Hver félagsmaður getur frá síðustu áramótum keypt tvö gjafabréf á ári, sem er sparnaður upp á kr. 20.000. Fyrir hvert bréf er greitt kr. 22.000 en virði gjafabréfsins er kr. 32.000 og er því afslátturinn kr. 10.000 á gjafabréf. Hægt er að nýta gjafabréfin til kaupa á flugfargjaldi og annarri bóknarþjónustu hjá Niceair í gegnum bókunarsíðu félagsins.

Ég vil enn og aftur minna á heimasíðu félagsins, ein.is, þar sem má m.a. nálgast gagnlegar upplýsingar um félagið, kjaramál, fræðslumál og réttindi launafólks. Síðan er vel virk og vel sótt af félagsmönnum og öðrum. Hægt er að skrá sig á póstlista á síðunni og fá þannig nýjustu fréttir sem á hana koma.

Félagið er með virka síðu á Facebook svo þið megið alveg endilega gefa okkur eins og eitt like á þá síðu og svo er um að gera að deila henni svo fleiri félagsmenn viti af henni.

Á starfsárinu fóru fram nokkur þing. 8. þing SGS fór framá Akureyri í mars, 37. þing AN fór fram á Illugastöðum í lok september og mjög svo stutt ASÍ þing fór fram í Reykjavík í október en því verður framhaldið í lok apríl. Ég tók þátt í öllum þessum þingum fyrir hönd félagsins.

Svona áður en við förum að snúa okkur að stjórn deildarinnar og kosningum þá langar mig að minna á að á skrifstofu félagsins á Akureyri starfa fjórir ráðgjafar hjá VIRK starfsendurhæfingarsjóði, þær, Helga Þyri sem jafnframt er verkefnastjóri á svæðinu, Kristín, Nicole og Svana. Breytingar verð um næstu mánaðamót þegar Svana lætur af störfum en fyrir hana var ráðin Katla Hildardóttir. Þær eru starfsmenn Einingar-Iðju, en starfa fyrir öll stéttarfélög á svæðinu.

Tvær þeirra eru með fastar viðverur á skrifstofum félagsins á Dalvík og í Fjallabyggð einu sinni í viku.

Fyrir þá sem ekki vita þá er þjónusta VIRK fyrir einstaklinga sem búa við skerta starfsgetu vegna heilsubrests og stefna að aukinni þátttöku á vinnumarkaði. Til að eiga rétt á þjónustunni þarf einstaklingur að vera með vottaðan heilsubrestand frá lækni í formi vottorðs eða beiðni læknis um þjónustu hjá VIRK. Það geta legið margar og ólíkar ástæður fyrir því að fólk falli út af vinnumarkaði og þarfnist starfsendurhæfingar.

Kulnun í starfi, afleiðingar slysa og áfalla, eða andlegir sem líkamlegir sjúkdómar. Ef þið viljið fá nánari upplýsingar um VIRK þá má t.d. nálgast þær á heimasíðu félagsins.

Þá skulum við snúa okkur að stjórn deildarinnar og kosningum ársins.

Stjórn deildarinnar var þannig skipuð fyrir síðasta starfsár:

Formaður	Ingvar Kristjánsson	Isavia
Varaformaður	Svavar Magnússon	Sæplast Dalvík
Ritari	Gunnar Magnússon	Hyrna
Meðstjórnendur	Agnar Ingi Svansson	MS-Akureyri
	Arnar Kristjánsson	Olíudreifing
	Gísli Einarsson	SBA
	Stefán Gíslason	Bústólpi
	Þormóður Sigurðsson	Vélfag Ólafsfirði
	Þór Jóhannesson	TDK Foil Iceland ehf.

Fyrir næsta starfsár verða eftirtaldir í stjórn til eins árs:

Varaformaður	Svavar Magnússon	Sæplast Dalvík
Meðstjórnendur	Gísli Einarsson	SBA
	Þormóður Sigurðsson	Vélfag
	Þór Jóhannesson	TDK Foil Iceland

Í ár á að kjósa um formann, ritara og þrjá meðstjórnendur til tveggja ára.

Eftirfarandi gefa kost á sér til tveggja ára:

Formaður	Ingvar Kristjánsson	Isavia
Ritari	Gunnar Magnússon	Hyrna
Meðstjórnendur	Agnar Ingi Svansson	MS-Akureyri
	Ingólfur Ásmundsson	Ferro Zink
	Stefán Gíslason	Bústólpi

Ég vil að lokum þakka Arnari sem lætur nú af stjórnarstörfum fyrir samstarfið á liðnu ári. Ég vil þakka stjórninni fyrir vel unnin störf og ánægjulegt samstarf á starfsárinu. Ég vil einnig þakka öllum þeim sem ég hef starfað með á liðnu ári fyrir ánægjulegt samstarf og viðkyrningu og þá ekki síst Rut Pétursdóttur starfsmanni deildarinnar.

Takk fyrir.